

Segun Sheldry Osepa

"Richeron Balentin ta yalurs riba mi"

PUNDA---Ayera durante e kasos di huisio sumario ku abogado Osepa a entamá kontra di radio direkta i e hòmber di pinda Melvin Euson, dado momento abogado Osepa a rabia asina tantu i a bisa ku Richeron Balentin ta yalurs riba dje.

Esaki despues ku Balentin a hiba palabra i a bisa ku nan como radio direkta na varios okashon a solushoná varios kasos di personanan di p.e. SVB, hospital, aqualectra i algun otro persona mas ku nunca nan no a trese den publiscat i ku Osepa por a aktua otro ku Euson mirando ku Euson no ta komprondé hulandes masha bon i di mes no sa kiko e palabra nan huridiko ta kome i bebe di dje. Tambe Balentin a duna di konosé ku e konosé Osepa for di Hulanda dia ku e tabata minister i ku Osepa no ta un persona ku ta tuma desishon mes ora pero semper e ta bisa pa warda. Riba esaki abogado Osepa a bisa ku tur kos a bai na papiamentu pa Euson i ku lóigicamente como abogado e no por tuma desishon mes ora pero tin ku studia tur kos promé.

Tambe Osepa a duna di konosé ku tur dia e radio emisora ta bati su lider politico di MFK sr Schotte. Segun Osepa esaki tabata net un bon chéns pa nan a atake mirando ku e tambe ta parti di e MFK. Osepa a sigui bisa ku e no tin nada di haber ku e problema ku direct tin ku Schotte i ku nan no mester hasi e problema kuné. Segun abogado mirando loke Balentin ta tresiendo dilanti e la disgustá den nan i ku e no tin niun tiki gana di atendé ku e kasos mas pa motibu ku ora

Balentin a papia kuné e la bisa Balentin pa buska 5 tòp abogado di Kòrsou e papia ku nan i investiga mas afondo kiko a pasa.

Riba esaki segun Osepa Balentin a bisa henteramente otro kos esta ku Osepa a bisé ku Euson lo mester a bai 5 abogado kaba i niun no kier a yudé. Mirando tur loke Balentin a papia Osepa a bisa ku Balentin ta gewoon yalurs riba dje. Balentin na su turno no a duna komentario riba esakinan.

**Bo ta buscando un.....
entrada èkstra?**

Bo ta un persona serio i tin un trabou fiho?

Awel bira rebendedora pa
.....**REBENDÉ PERFUME!**

Prestige Perfumery Inc.

Un Manera Fasil pa un etrada èkstra!

Yamanos na 461-3163 of pasa ku bo ultimo slip
Na Fokkerweg 56A di djaluna pa djasabra 9:00 or am - 1'or pm i 2'or pm - 6:30'or pm